



## **Sulinermik Inuussutissarsiuqartut Kattuffiat**

**Isumaginninnermut aningaasaateqarfimmut qinnuteqaatit qanoq suliarineqartarnerannik qinnuteqartullu pisinnaatitaaffiik paasissutissat.**

Isumaginninnermut aningaasaateqarfinnut qinnuteqaatit suliarineqartarnerannik SIK allaffissornikkut ingerlatsisuuvoq (isumaginninnermut aningaasaateqarfiit SIK-p sulisitsisullu isumaqatigiissuteqarnerisigut pilersinneqarsimasut assigiinngitsut tallimaagaluartut paasissutissiinermi uani ataatsimoortillugit ”isumaginninnermut aningaasaateqarfik”-mik taaginnarneqarput).

Isumaginninnermut aningaasaateqarfimmut qinnuteqartoqaraangat inunnik paasissutissat mianernartut qinnuteqartunut qanigisaannullu tunngasut katerorneqarlutillu suliarineqartarput. Paasissutissat makkuupput:

- Kinaassutsimik qanorlu attavigineqarsinnaanermik paasissutissat
- Cpr. nr.
- Bankimik paasissutissat
- Nakorsamit uppernarsaat imaluunniit isaruaarniamit uppernarsaat
- Akissarsiat allagartaat
- Akileraarutit allagartaat: skatte/B-kort
- Sulisitsisup tapiinissamut itigartitsissutaa
- Atorfinitsitaanermut isumaqatigiissut

Inunnik paasissutissat mianernartut tamakku atorineqartarput Isumaginninnermut aningaasaateqarfimmut qinnuteqaataasartut nalilerneqarneranni taamalu akuerlugit itigartillugilluunniit aalajangiiffigineqarneranni. Inunnik paasissutissat tamakku SIK-mit qinnuteqartullu sulisitsisuanit atorineqartussaapput.

Aningaasaateqarfimmut qinnuteqarnermi immersugassaq immikkut ittoq atorineqartussaavoq. Tassani allassimavoq atsiornikkut uppernarsarneqartoq paasissutissat inummut tunngassuteqartut atorineqarnissaat qinnuteqartup akueri-

gaa aammalu qinnuteqartup qanigisani akuersisissimagai paasissutissat inunut taakkunungarpiaq tunngassuteqartut tunniunneqarsinnaanerannik.

Inunnik paasissutissanik nassiunneqartunik katersuinnermut suliarinninnermulu inatsisitigut tunngaviusoq tassaavoq tamatumunnga akuersissuteqarneq inatsit una naapertorlugu: Inunnik paasissutissanik suliarinnittarneq pillugu inatsit, § 6, imm. 1, nr. 1 aamma § 7, imm. 2, nr. 1.

Taamatut akuersissuteqarusunngikkaanni qinnuteqarnikkut ikiorserneqarnissaq / aningaasaliiffigineqarnissaq naatsorsuutigineqarsinnaassanngilaq.

Qinnuteqartup akuersissuteqarnini qaqugukkulluunniit utertissinnaavaa. Taama pisoqarpat tamanna Isumaginninnermut aningaasaateqarfimmit ikiorserneqarsinnaanermut / aningaasaliiffigineqarsinnaanermut sunniuteqarsinnaassaaq. Akuersissuteqarsimanerli utertitaq paasissutissanik suliaqarnermut tunniussaqsimanermullu utertitsineq sioqqullugu pisimasunut inatsisitigut akornutaalernaviannngilaq.

Qinnuteqaat itigartinneqarpat inunnik paasissutissat nunguterneqassapput itigartitsinnermit qaammatit pingasut qaangiuppata. Qinnuteqaat akuerineqarpat inunnik paasissutissat nunguteqarneqassapput ukiut tallimat qaangiuppata.

Inunnik paasissutissat illersorneqarsinnaasumik suliarineqartarsinnaaqqullugit SIK-mi arlalinnik iliuseqartoqarpoq paasissutissat mianernartut tamakku sussaqaanngitsunit pineqarsinnaajunnaarlugit. Soorlu aalajangersaasoqarpoq ”Isumaginninnermut aningaasaateqarfimmut qinnuteqaatinik suliarinnittarnermi inunnik paasissutissanik illersuinnermut tunngavissamik”, taamaalillutik sullisut qinnuteqartunik sullissisartut kisimik inunnik paasissutissanik mianernartunik paasisaqarsinnaasussanngorlugit.

Isumaginninnermut aningaasaateqarfik

c/o SIK

Issortarfimmut 11, 3900 Nuuk